



ՀՈՎՀԱՆ ՕՁՆԵՑԻ

ԸՆԴԴԵՄ ՊԱՎԼԻԿՅԱՆՆԵՐԻ

Եթե դեռ Քրիստոսի մարմնաճաշու սկզբից իսկ Հովհաննես ավետարանչին պատշաճ էր իր ընդհանրական թղթում ասել, թե «Բազում նեղեր են աշխարհ եկել, որով կարող ենք իմանալ, թե վերջին ժամանակներն են», ապա էլ մենք ի՞նչ ասենք, որ ոչ միայն ավելի չար ու քաղմաթիվ նեղեր ենք քերում մեզ հետ, այլև, իսկապես, ահա, հասել ենք ժամանակի վերջին. արդարև սուտ քարոզիչներ ու վկաներ են եղել,—ես մեր ժամանակների մասին եմ ասում և ժամանակիս մարդկանց: Գտնվեց, ահա, մի որոգայթ, որը, իբրև թռչնորսի ցանց, զրցվեց իր ազգի՝ ժողովրդի մեջ՝ բռնելու տղիս մար ու պարզամիտ մարդկանց, որոնք չարիքից չարիք ելնելով՝ պատկերամարտությունից անցան խաչամարտության ու քրիստոսատյացության, այնտեղից էլ՝ անաստվածության և դիվապաշտության: Այլև խորամանկությամբ չարության իրենց սպանիչ զենք դարձրին քրիստոսասեր հոգիներին և, դաշնակցելով թլփատված բռնակալների հետ, նրանց ստվերագիր և առասպելապատում մատչանների հմուտ օգտագործմամբ՝ համբակներին ներգրավեցին իրենց քաղմության մեջ: Եվ եթե ումանց՝ համատությունից ախորժելի էր բարեկամությունը քանաարկուի հետ, ապա զարմանալի ոչինչ չկա, որ ոմանք էլ համախոհ լինելով մտերմանալին նրա արքանակներին: Սրանք են, ահա, որ իրենց աիոծ շուրթերով հանդգնում են նախատել մեզ՝ կոապաշտներ անվանելով՝ մեր ուղիղ, աստվածավանդ ու լուսավոր կրոնի և տե-

րունական նշանի պաշտամունքի պատճառով, հռչակելի այն նշանի, որն ընդունել ենք աներկյուղորեն, անդրդվելի մտքով, ամեն մի նյութ կապելով նրա հետ, մի նշան, որ սարսափելի և պատկառելի է նույնիսկ քերովքների համար, բուժիչն է մեր հոգեկան ու մարմնական ախտերի և որից սարսում ու զարհուրում են դևերը: Անհավատության դևից հիմարացած այդ խելագարները անամոթաբար պախարակում են մեզ՝ Աստծո մարդացած Բանի պատկերը կենդանագրելու պատճառով, հակադրելով մեզ սուրբ մարգարեների այն խոսքերը, որ, իբրև հանդիմանություն, ասված են հեթանոսական կոամոլության մասին: Այդ խավարամիտները չեն կարող տեսնել այն տարբերությունը, որ կա մեր աստվածապաշտության և հեթանոսական քաղմաստվածության միջև. մենք մեկ Աստծո Միածին Որդու պատկերն ենք պաշտում և նրա հաղթության նշանը, միանշան հեթանոսներին անհույս ու անթիվ պաշտամունքներով մոլորեցրեց աստաճան: Հեթանոսներից ոմանք խաբվեցին, հետևելով աշքի տեսածին: Նրանք երկնքի և երկրի տարրերից ինչ որ առերևույթ միանգամայն գեղեցիկ էր՝ աստղերը, լեռները, բլուրները, ծառերը, քարերը՝ աստվածներ անվանեցին: Ոմանք էլ կենդանիների ուժից ու դաժանությունից վախեցած ու հաբեկված՝ մկսեցին պաշտել նրանց և աստվածներ անվանեցին, ինչպես քաբելացիները՝ վիշապին, եգիպտացիները՝ կոկրոփլոսին: Իսկ ովքեր էլ չափից դուրս

տարվեցին իրենց վավաշտ ախտի մտահոգությամբ՝ ստեղծեցին արական և իգական անդամների նմանաձև արձաններ և պաշտեցին, ինչպես մովսրացիները և սիրոնացիները՝ Քամուխին և Աստարտեին։ Ուրիշներն էլ կան, որ ընտրելով կյանքի համար օգտակար և պիտանի տարրերը՝ աստվածացրին նրանց, ինչպես պարսիկներն ու մարերը՝ և՛ հուրը, և՛ ջուրը, և՛ երկիրը։ Դա նույնիսկ այն աստիճանի հաճու էր նրանց, որ մեռնելուց հետո իրենց մարմինները թողնում են, որ ուտեն զազաններն ու թռչունները, քան թե թաղեն հողում և նեխությամբ անպատվեն երկիրը, որին պաշտում են հիմարորեն։ Ոմանք էլ տեսնելով արյուն ու թարախ ծծող կենդանի էակներ, իբրև ախտեր բուժողների և ցավեր հալածողների՝ մեծարելով՝ անվանեցին աստվածներ, ինչպես գազացիները և ակկարոնացիները՝ տգրուկներին, ճանճերին և մեծերին։

Հեթանոսների մի մասն էլ պատվում ու պաշտում են այն կենդանիները, որոնք վնասակար գազաններից պաշտպանվելու մեջ ապաստելու օգնություն են ցույց տալիս իրենց տերերին։ Այսպես, հյուսիսային (ցեղերը պաշտում են) ձին և շունը, մեկին՝ արագաշարժության համար, որն իր ոտքերով, ասես թևերով, թոցնում է հեծյալին, տանում, ուր փախազում է հասնել, մյուսին՝ տիրոջը գազանների հափշտակությունից ապահով պահելու համար։ Խոսքս վերաբերվում է նաև նրանց, որոնց մոտ մեծարգի է կատվապաշտությունը. կատուն պաշտում են իրենց կերակուրները ապակառողներին՝ մկներին, կերակուր դարձնելու պատճառով։

Հեթանոսների մոտ, ասվածից բացի, ամենից ամբարիշտն այն էր, որ ստեղծվեց մարդու անձի պաշտամունք և երկրպագություն։ Ով աստվածության կասկածանքով մոլորվում էր ընկերներից՝ խոնարհվելով, հիմարաբար երկրպագում էր ինքն իրեն։ Համեմատվելով ուրիշների հետ և տեսնելով, որ ինքը փոքր ու նվազ է ընկերոջից՝ գերազանցողին դնում էր արարչի աստիճանի, իսկ իրեն՝ խելագարությամբ՝ խոստովանում արարած։ Այսպես վարվեցին, ահա, քաղդեացիները, որոնք տեսնելով վիթխարի և հուժկու այն տիտանին, որի հասակի երկարությունը վաթսուս կանգուն էր, իսկ լայնությունը՝ վեց, դրա համար էլ նրան՝ իր վիթխարի կազմվածքի պատճառով, պատիվ տվին ու պաշտեցին որպես աստծու։ Սրա չար պաշտամունքի խավարը պատեց ամենուր, կուրացրեց բոլոր երկրները՝ ըստ յուրաքանչյուր լեզվի ալլափոխվելով անունը. քուշացիները նրան կո-

չում են 'Ներրովթ, բաբեացիները՝ Բել, փղշտացիները՝ Բահալ, հելլենացիները՝ Դիոս, պարսիկները՝ Ուրմիզդ, հայերը՝ Արամազդ։

Եվ ինչպես խաբվեցին սրա հասակի բարձրությունից ապշելով, այնպես էլ զարմանալով ուրիշների սրտահաճ այլ հատկանիշներով խաբվելով՝ նրանց էլ աստվածներ անվանեցին. Կոռնոսին, օրինակ, պատերազմասիրության և համարձակ հարձակման համար, Արեսին՝ քաջարության, Հերմեսին՝ կորովի ճարտասանության, Զևսին՝ անհաղթահարելի հսկառակորդների հետ զուգախառնության, ոմանց էլ բարեբաստիկ բնական այլ հատկությունների համար։ Քանդակելով այդպիսիների պատկերաձև կոտրերը, նրանց ևս աստվածներ անվանեցին։ Եվ քանի որ այդ գարշ պիղծերի ու վատթարագործների անուններով կոտրեր էին կանգնեցրել, չարասեր ու ճշմարտաւյաց դեր դարձնում էր նրանց մեջ մտնելով և տեսանելի արձանների միջոցով դեպի իրեն էր քաշում կռապաշտներին՝ ընդունելով նրանց երկրպագությունը։ Դրանից էլ երևան եկան ոչ միայն դիցերի երկրպագու տարրապաշտները, այլև դիվապաշտները, որոնք ոչ միայն վերցրին դեների այդ պաշտամունքը, այլև իրենց հերթին սկսեցին ծառայել նրանց։ Եվ ոչ միայն դիվաբնակ ու դիվաշունչ կոտրերի սպասավորներ դարձան, այլև դյուցազններ անվանելով՝ նրանք վեր էին դասում մարդկային քնությունից։

Արդ, կռապաշտների բացահայտումն քողարկված այս հիմարությունը մերկացնելուց հետո, այլևս ոչ մի հարկ չկա նրանց ինչ-որ մոր անուն տալ, որովհետև ակներևորեն իրին համապատասխան անունը կարիք չունի ուրիշ անվանակոչության։ Արեգակին երկրպագելով՝ նրանից էլ լծորդվում է երկրպագուների անունը (արևապաշտներ), մկնորս կենդանիներից՝ նրանց պաշտողների անվանումը (մկնապաշտներ), իսկ ուլքեր ձին ու շունն ընտրելով՝ նրանց դարձրին իրենց աստվածներ, թող նրանցից էլ մղված ընկեն խորխորատ, իսկ եգիպտացիներից էլ (նրանք, ուլքեր կոկորդիլոս են պաշտում)՝ թող ընկղմվեն գազանասնույց գետը։ Խավարում կատարվող այդ խավարային գործերից խոհեմ փտանգի ենթարկելով՝ պարսկական մայրապականությունից անցնում են նույն Քամուխի և Աստարտեի գարշելի կոտրերին, որոնց արդյունքն են ոմանք։ Հանեսի և Համեսի հետ, ոմանք գեհենի հրի ցայտքեր ժայթքող կայծակնառաք դեհին քարեքանդղներ լինելով, խոնարհվում ու երկրպագում են Ոլիմպիոս լեռան գեղեցիկալի և փրփրե-

րախ դեհն: Երեխաների արյամբ զանգեղով
ալյուրը, լափում են անիրավորեն՝ օրենք
համարելով այն, ինչ վատթար է նույնիսկ
խոզերի անզգա ծննդակերությունից: Ու-
մանք էլ դիակները հանում են երդիկներով,
դնում տանիքներին և, հայացքները դեպի
վեր, երկնայիշ եղած, ալևալ խոսքեր ա-
սելով երդվում, թե՛ Բարձրյալը գիտե: Ա-
րեգակին աղոթելիս կեղծավորաբար Արե-
վիկ, Լուսիկ են ասում, իսկ ծածուկ՝ Մանիի
և կախարհ Սիմոնի մոլորությունների հա-
մաձայն կանչում օդային և լուսնոտ դե-
րին: Դրա պես և այն ասված է, թե ինչպես
առաջնածին կնոջ մանուկը վերցնելով՝ ի-
րար ձեռքից ձեռք են ձգում՝ տանջամահ ա-
նելով և ում ձեռքին երեխան շնչասպառ
ավանդում է հոգին, նրան աղանդապետի
կարգ են տալիս և մեծարում: Հետո խար-
դախամիտ երդումներ են տալիս նրա ա-
նունով: Երդվում են, ասում են, Միածին
Որդուն, կամ թե՛ Ես վկա եմ քի փառս, նրա,
ում ձեռքին իր հոգին ավանդեց Միածին
Որդին:

Ահա այսպիսի զանազան խաբկանքի
խոսքերով ծածկում են իրենց հոգիները և
հնարք գտնում՝ հավատացյալներից տգետ-
ներին քաշելով դեպի իրենց: Եվ ինչպես
գորտերը, որոնք իրենց մարմնի անդամնե-
րը սուզելով լճերում՝ բերանները դեպի
դուրս ձայն են արձակում՝ լիովին հայտնի
լինելով և մնալով անհայտ, այդպես էլ ա-
սածս մարդիկ են, տղմասեր ու չարագործ,
որոնք միմյանց մոտ անպատկառ ձևով
պղծության են դիմում, իսկ մեզ մոտ սխա-
լավրեպ ու պատրող խոսքերով ձևանում
անգետ: Նրանք չգիտեն, թե ինչպես ան-
կարելի է ծածկել հոտի բուրմունքը, որ
ինքն իրեն է հասնում հոտոտելիքին, այդ-
պես էլ անհնարին է թաքցնել այն գործե-
րը, որոնց համբավը հողմով գալիս ու դիպ-
չում է շատերի լսելիքներին: Բայց և դժ-
վար է ամեն ինչ իմանալ այն բազմազան
ու խոտն չարության մասին, որ անտառի
պես աճել է նրանց մեջ, որովհետև բացա-
հայտ սատանայական այդ ուսմունքը միա-
վորվելով մի տեղ՝ նրանց ամբարշտության
հեղեղներից դարձավ ծով:

Ներսես կաթողիկոսի կողմից խրատված,
բայց խելքի չեկած նախկին մծղնե աղանդի
պապիկյան բեկորները կաթողիկոսի մահից
հետո խույս տալով թաքնվեցին մեր աշ-
խարհի տարբեր շրջաններում: Պատկերա-
մարտներից ոմանք էլ, որոնք կշտամբանք-
ների էին ենթարկվել Աղվանքի կաթողի-
կոսներից, գաղթելով եկան և հարեցին
նրանց, քանի որ՝ ով շեղվում է ճշմարտու-
թյունից, սիրում է հասնել իր նմաններին:
Եվ քանի դեռ նրանք դերաբրիստոսի կա-

րապետներին իրենց գորավիզ չէին գտել,
վախենում ու սարսում էին քրիստոնական-
ների ուղիղ և գերապանծ կրոնից, մանա-
վանդ որ անզգամը, իր մտքերից տանջվե-
լով, դատապարտում է ինքն իրեն: Իսկ
երբ երևաց հնացած ու աղոտ այս [մահ-
մեղակամ] կրոնը, կարծեցին, ինչ-որ մեծա-
գույն մի բան է դա, այն ժամանակ դուրս
սողալով իրենց դարանամուտ որջերից՝
համարձակվեցին հարձակվել միջնաշխար-
հի և ժողովրդաբնակ վայրերի վրա՝ իրենց
մաս հասած հեղեղահոտ ու հեղձուցիչ ջրե-
րի այն վայրից, որ կոչվում է Զրկա: Ամեն
տեղից միասին գնալով մի տեղ, կուտակ-
վեցին, ինչպես տարբեր վայրերի անզոդ-
ները՝ նեխաշաղիղ լեշի վրա և իրենց ան-
վան աղտեղությունը հանդգնեցին փաթա-
թել նաև այն մարդկանց, որոնք հույսով
ձեռք են մեկնել երկնային քարիքներից:
Ընտրյալ և աստվածային բնակության ար-
ժանավոր մարդկանց, որոնք երկրում երկ-
րայինների վարքով են առաջնորդվում,
այնքան են անզգա դարձել դևի հայհոյու-
թյունից, որ նույնիսկ այդպիսիներին անա-
մոթաբար հանդգնում են փոխել իրենց
ամբարշտության մաղձով՝ կոապաշտներ
ստելով նրանց:

Ես չեմ նվաստանում, բարեպաշտորեն
լսելով այդ խոսքերը, որոնցով փորձում են
նախատել մեզ, որովհետև մենք արդարև
կոտմ, կոփում, քանդակում և քերում ենք
այն ամենը, որոնցով կատարում ենք մեր
աստվածապաշտության կարգը՝ եկեղեցի-
ները, սեղանները, խաչերը, պատկերները:
Բայց մենք դրանք չէ, որ պաշտում ենք՝
համապաշտամունք լինելով հեթանոսներին:
Նրանց մեհյանները շինվել են որպես կուռ-
քերի ընդունարաններ, միևնույն եկեղեցի-
ներն այն բարեպաշտների աղոթքների ու
խնդրվածքների տաճարներն են ու ժողո-
վարանները, ովքեր կամենում են մերձե-
նալ Աստծուն: Դրա համար էլ Աստծո տա-
ճարը և կուռքերի մեհյանները, ինչպես և
Պողոսն է ասում, խիստ տարբեր են միմ-
յանցից: Ձեռակերտ կուռքերը, ինչպես
սկզբում ասացի, քանդակվել են հիմք ըն-
դունելով որևէ ախտ, և յուրաքանչյուր ախ-
տի դև, մարմնանալով կուռքի մեջ, մեհյա-
նը դարձնում է իր կուռքի բնակարանը: Սա
նկատի ունի մարգարեն, երբ ասում է, թե
«Հեթանոսների բոլոր կուռքերը դևեր են»՝
բարկության դև է կամ ագահության, կամ՝
սպանության, կամ՝ պոռնկության: Միևնույն
եկեղեցիները շինվել են հավատացյալների
աստվածասիրության փափագով. դրա հա-
մար էլ Աստված ինքն է դադարում այն-
տեղ և նրանց մեջ, իրար դասակցելով,
պայում են երկնային զվարթումների դա-

սերը, քանի որ, ամենայն իրավամբ, որ հայտնվում է Աստված, մենք ընդունում ենք, որ նրա սպասավորության համար շուրջը կանգնած է հրեշտակների բազմությունը:

Այնուհետև. կուսպաշտները մահացածներից ոմանց նմանությունը կերպագծելով դրոշմում են անշունչ նյութերի մեջ, և այդ պատճառով էլ պատկերագործն ինքն էլ ոչ մի հույս չի կապում ոչ նախատիպի և ոչ էլ նրա պատկերի հետ: Մինչդեռ ամեն մի նյութի մեջ մենք մարդակերպ նմանությամբ պատկերում ենք կենդանի և կենդանարար Քրիստոսին և դրա համար էլ հաստատուն է մեր հույսը, քանի որ, ինչպես ինքն ասաց «Նա, ով հավատում է ինձ՝ մահ չի տեսնի, եթե մեռնի էլ, պիտի կենդանի լինի»: Եվ ինչպես Նապին էլ ասում՝ պիտի ասեն. «Տեր Աստված Իսրայելի, երկրի ծագերից լսեցինք հրաշքներդ, հույս բարեպաշտի. թող իմ խորհուրդն ինձ և իմոնց լինի»: Այսինքն՝ արհեստի ձեռակերտին չէ, որ ներկայացվում է առաջիկա հույսի խորհուրդի երաշխիքը թե իր և թե յուրացիների համար: Իսկ կոտրերի մասին ասում է, թե «Նրանց նման կլինեն նրանց շինողները և բոլոր նրանց հուսացողները»: Եվ թե՛ «Թող ամաչեն բոլոր նրանք, ովքեր երկրպագում են կոտրերին և ովքեր պարծենում են իրենց քանդակված կոտրերով»: Նրանցից ամենաշար դեղերը՝ ըստ յուրաքանչյուրի մեջ մարմնավորված ախտի, պահանջում են, որ կատարվի համապատասխան պաշտամունք: Այսպես, ահա, պոռնկության դեմ մասին գրված է, թե «Բելիեգովը մտան և մերկացան իրենց ամոթից և գարշելի կոտրերը դարձան նրանց սիրեցյալները»: Ապամության դեմ համար ասում է, «Իրենց բուտրերին և դուստրերին զոհեցին դեղերին և անմեղ արյուն թափեցին»: Հարբեցողության դեմ վերաբերյալ էլ ասում է. «Նրանց մեջ կենդանացավ ու կաթեց գինու և հարբեցողության մոլորության դեմ»: Տարբասիրության դեմ ստիպում է իր հնազանդներին երկրպագել պատահած բարեձև և գեղեցկատես տարրերին: Այդպես սովորեցին կարկանդակներ շինել երկնքի տիկնոջ համար և նվերներ ընծայել արեգակին: Նմանապես նա սովորեցնում էր, որ երկրում փայտին կանչեն՝ «Դու իմ հայրն ես», բարին, թե՛ «Դու ես մեզ ծնել», և հրամայում էր զոհեր մատուցել լեռների և բլուրների վրա, կաղնիների ու կաղամախիների և տերևաշուք ծառերի ներքո: Իսկ մեզնից ի՞նչ է հայցում մեր տեր Աստվածը. «Միայն իրավունք անել և արդարություն գործել» և «Չարի փոխարեն չար չհատուցել, այլ չարին հաղթել բարությամբ» և թե՛ «Խաղաղություն արեք և խաղաղության

Աստվածը պիտի ձեզ հետ լինի»: Այսպիսի և սրանց նման սիրելիներ լինել հրամայեց մեզ Աստված, ինչ ատելի է նրանց համար՝ դեղերի հրամանով, որովհետև ինչ միանգամայն մերժելի է մեզ համար, մեծարելի է նրանց համար: Որովհետև սկզբնաշար և մարդատյաց դեղերը կամենում են չարչարանքների ու նեղությունների մեջ տեսնել ոչ միայն նրանց, ովքեր իրենցը չեն, այլև իրենց պաշտողներին են գրգռում չարագործությամբ ու վնասարարությամբ հարձակվելու իրար դեմ: Դա էլ տեսնում ենք, թե ովքեր են ծառայություն մատուցում սատանային՝ խեղանդամներ, հոգեհաշմանդամներ, հյուծվածներ, ալյանդակներ և ուժից ընկածներ: Իսկ մեր մարդասեր և բարերար Տերը ոչ միայն ողջանդամներին չի նախանձում առողջության համար, քանի որ հենց նրա կողմից են աղյսես եղել ու պահպանվել, այլև բժշկության դեղեր է տալիս ախտաձեռներին:

Ինչելով մարմնավոր և նրա կապանքներով կապված՝ մենք չէինք կարող խառնվել հրեշտակներին և բացահայտորեն տեսնել Արարչի մեծությունը, ինչ քերովքներին է միայն տեսանելի, մինչդեռ մեր բանականությունը միշտ ձգտում է մտքի տեսողությամբ հասնել լինել գերագույն և առաջին պատճառին, ուստի միտքը հաճելով զգայական երևույթների և իրերի մեջ՝ ընկնում է. նրանց թակարդը և ստիպված՝ իր որոնածը ընտրում է նրանցից: Եվ քանի որ իր կամքով էլ վերցնում է նրա կերտման նյութը և պատվում, տիրական է դարձնում այն, այնուհետև ջանք չի խնայում նրան հոշակել արարիչ, իրեն՝ սպասավոր: Այս ձևով մոլորվեցին մարդիկ, զանց առնելով մեկ աստվածության իշխանությունը և ծառայելով բազմաստվածության իշխանությանը, այստեղից էլ մեկ աստծու կերպարի փոխարեն ծագեցին այն տգեղ և ալյակերպ ձևերը, որոնք դրսևորում են մարդկային բազում ախտերի և ցանկասիրությունների շաղախները: Եվ դա այնքան ժամանակ, մինչև ստեղծողը գթալով իր պատկերին՝ դարձավ ստեղծվածի պատկեր, և նա, որ սկզբից իսկ մարդուն արարել էր ըստ իր պատկերի և նմանության՝ ինքը եկավ, և այս վերջին ժամանակս ծառայի կերպարանք առավ և լինելով մարդու նմանությամբ՝ եղավ մարդու կերպարանքով, որպեսզի այս միջոցով իր ստեղծած պատկերով մեկ անգամ էլ զարդարի գեղեցկությամբ՝ ըստ նրա առաջին աստվածատիպ նմանության: Եվ սրա համար է, որ մեզ ուսուցանեց պաշտել Աստուծո մարմնացած Բանին՝ մարդկային կենդանագրված պատկերի ձևով և նրա հաղթության պատվա-

կան ճշանդ՝ խաչի ձևով: Դրանց երկրպագելով՝ չեմ երկմտում, թե ինքնին բազմած այդ իրերին ես Քրիստոսի երկրպագություն եմ մատուցում: Ավելի շատ ոչ թե տեսանելի երևացողին եմ նայում, այլ մտածում եմ նրա մեջ զանգված անտեսանելիի մասին: Թեև նյութը կարող է լինել այլազան և տարատեսակ, բայց ես յուրաքանչյուրի մեջ տեսնում եմ նույն գորությունը: Երբ քարից կամ ոսկուց պատրաստված խաչ կամ պատկեր եմ տեսնում, մի՞թե ես իմ հույսը քարի կամ ոսկու վրա եմ դնում: Այդպես եմ վարվում նրանք, ովքեր, ինչպես մարգարեն է ասում, «Ծանաում էին քարի և փայտի հետ» և որոնց մասին Դավիթն ասում է, թե «Հեթանոսների կուռքերը արծաթ ու ոսկի են»: Իսկ մենք տարբեր նյութերից անջատելով պատվում ենք միայն այն նյութերը, որոնց վրա պատկերում ենք Քրիստոսին կամ նրա խաչը: Անունն ու նմանությունն էլ անհրաժեշտ են դարձնում երկու բան. Քրիստոսին բնակեցված տեսնել այդ պատկերների մեջ, մեզ էլ՝ աներկբա արտով մեծարել նրան: Եվ ոչ միայն այս. քահանայական խոսքը և ձեռքն էլ Սուրբ Երրորդության գորությունն է բնակված համարում նրանց մեջ, նրանց շնորհիվ եմ մարդկանց պարզևեղ հասնում կամ պատուհասներ, նրանցով եմ փակվում կամ բացվում երկնքի դռները, նրանց եմ, որ տեղի տալով՝ հնազանդվում եմ բոլոր տարրերը:

Իսկ ի՞նչն եմ քահանայական խոսք ու ձեռք կոչում. այն, ինչ Սուրբ Հոգու նույն առհավատչյան է նաև վստահեցնում. ումանց մերձեցաւ ու ապավինել իբրև բարձրագույն և աստվածաբնակ նյութերի: Ես սուրբ յուղի հեղման մասին եմ ասում, որով, հախկնում, աստվածային Հոգին անցնում էր քահանաներին և թագավորներից, ներգործում նրանց վրա: Եվ ամենուրեք բոլորի մոտ էլ այս յուղով պարզևաբաշխ Հոգին գտնում է իր կատարյալ խորհուրդը: Ժիշտ այնպես, ինչպես մեր մարդկային բնությունն է երկու տեսակ, այդպես էլ երկպատիկ ու նորոգող Սուրբ Հոգին է մերձեցնում մեզ. նյութականությամբ զվարճացնում է զգայականը, քանի որ «Յուղը,—ասում է մարգարեն,—զվարթացնում է», իսկ իր գորությամբ գորացնում է մեր հոգեկանը, «Հրամայիր,—ասում է,—Աստված քո գորությամբ գորացնել այն, ինչ հաստատեցիր մեր մեջ»: Եվ որպեսզի որևէ մեկին կասկածելի չլիս իր գործի իրողությունը, սկզբից մարմնավոր տեսքով եկավ հանգչելու իր ազգակցի վրա, կամեցալով այդպես երևալով աշխարհին առհավատչյալ լինել իր աներևույթ գալստյան համար, իսկ

աշխարհը չկամեցավ աչքի տեսածը դարձնել արտի տեսողության ճանապարհ: Սա հենց այն է, ինչ Տերն ասում էր, թե «Աշխարհը չի կարող ընդունել նրան, որովհետև չի տեսնում և չի ճանաչում նրան, բայց դուք տեսնում եք, որովհետև ձեր մոտ է բնակվում»:

Այդպես էլ, ահավասիկ, մենք՝ առաքյալների խոսքով Ամենասուրբ Երրորդության հավատացյալներս, ընդունում ենք, որ փրկական գործության միջոցները՝ եկեղեցիները, սեղանները, խաչերը, պատկերները, օծված են յուղով, և հավատում ենք, որ նրա հետ այդ միջոցներին է անցել աստվածային գորությունը: Սրանցով էլ նրանք տարբերվում են նույնատեսակ մյուս բոլոր նյութերից, իսկ մենք կոապաշտներից սահմանազատվում ենք նրանով, որ նրանք ամբողջ նյութն են աստվածության տեղ ընդունում և խաբվելով՝ գրավվում: Մեր խոսքի ճշմարտության վկայություն կարող է լինել այն, որ մարդկանց մոտ նրանց միջոցով եմ կատարվել գորություններն ու հրաշքները, նրանցից եմ սարսել ու փախստական եղել դեռ: Ըստ գրածի՝ թե «Քո հավատացյալներին ճշան տվեցիր, որպեսզի փրկվեն աղեղներից», որ ավելի պատշաճ էր անհավատներին ապշահար անելու և հավատին հպելու համար, քան մեզ, որովհետև «Նշանները,—ասում է առաքյալը,—անհավատների համար են և ոչ թե հավատացյալների»: Անշուշտ նյութերը չէին կարող կենդանի մարդկանց օգնության շնորհ մատուցել, եթե Աստված բնակված չլիներ նրանց մեջ:

Եվ տարակուսանքով մի գայթիք նրա լուելու և ոչ թե իրեն հայհոյողներին և թռճամանողներին չհարվածելու համար, քանի որ Աստված հավասարապես վարվում է երկու ձևով՝ համբերամտությամբ և վրեժխնդրությամբ: Ամեն տեղ, ամեն ժամանակ և ամենքի դեմ չէ, որ նա վարվում է այդ երկու կամ դրանցից այս կամ այն ձևով, այլ տեղ կա, ժամանակ, երբ նա վարվում է մեկ այս, մեկ այլ ձևով, երբեմն էլ՝ այնպես, ինչպես հարմար է գտնում աստվածային կանխատեսությունը: Եվ ոչ էլ անհավատության մտքերով ցած գլորված՝ համառոր, թե իբր անհնարին է, որ Աստված լինի իր ստեղծած գոյացություններից ամեն մեկի մեջ. «Ինձնով,—ասում է,—լցված եմ երկինքն ու երկիրը» և թե՛ «Նրա փառքով է լցված ողջ երկիրը», այլ կարող է միայն նրանց ներգործությամբ տնօրինել, դրանցից որով կամենա ինքը և ինչ պահանջի ժամանակը:

Մովսեսը գալվազանով ճեղքեց ծովը, ա-

մով քարից գետ հոսեցրեց. այդ հրաշագործությունը մենք վերագրում ենք ոչ թե անզգա փայտին, այլ նրա մեջ պարփակված աստվածային շնորհներին: Տապանակը կանգնեցրեց Հորդանան գետը, Եդիսայի վերարկուն բաժանեց նույն գետը: Երիթովի պարիսպները կործանվեցին տապանակից, նրանից մնում Բզան՝ փորձելով տկար ուժով օգնելու ամենագործին, նա էր, որ հարվածեց ալլազգիների հետույքներին ու սրունքներին, նա էր, որ մեհյանի մեջ ցած տապալեց և փշուր-փշուր ցրեց Դազուհի կուրը՝ աստվածապաշտության շավիղը ցույց տալով կոապաշտներին: Մի՞թե քարերից կոփված տախտակներն էին անում այս բոլորը, և ոչ թե ինքն Աստված, որ միավորված էր նրանց և ժամանակին էլ դա էր պահանջվում:

Արդ, քանի որ թե հին և թե նոր ժամանակ երևաց, որ Աստծո կամքն է լինել անշունչ նյութերի մեջ և նրանց միջոցով օգտակարության պետքեր մատակարարել մարդկանց, ցույց տանք նաև այն, որ մեզ համար պատվելի և պաշտելի են այնպիսի նյութերը, որոնց մեջ Աստված կլինի: Բայց խոսքի որսորդ հակառակորդները թող նեղություն միայն հարձակվեն այս պարզ ասված խոսքերիս վրա, թե, իբր, Աստված ամենուրեք է, թե, իբր, բոլոր գույքերը պաշտելի են, թե, ուրեմն, ճիշտ է, որ մենք, իբր, Արարչի փոխարեն պաշտում ենք արարածներին: Քալ լիցի: Ընդհանուր նյութերից մենք միայն նրանք ենք պաշտում, որոնք, իբրև գործիք՝ Աստված առնում է ձեռքը և բարեարության իր խնամքները նրանց միջոցով ներհեղում մեր մեջ: Բազմաթիվ էին հաքելոնում ոսկե և արծաթե պատվական անոթները, սակայն աստվածային անոթների պատճառով միայն պատմասի ենթարկվեց Բաղդասար արքան. բազմաթիվ ոսկեզօծ արկղեր կային շինված նաև Դավթի ժամանակ, սակայն Դավթի կաքավելն ու նվագելը եղել է միայն Աստծո տապանակի առջև: Պակաս գեղեցկակերտ տաճարներ չկային Սողոմոնի ժամանակ՝ տարբեր տեղերում, բայց Իսրայելի ժողովուրդը բոլոր վայրերից հավաքվում և նրա շինած տաճարում էին աղոթում Աստծուն: Ըստ այսմ էլ՝ Տերը հանդիմանում և սատարում էր նրանց, ովքեր անպատվելով պարունակողը՝ տաճարն ու սեղանը, պատվում էին հատկապես նրանց պարունակածը՝ զոհը և ոսկին: «Ով ընդունվածների վրա է եղվում, — ասում է Տերը, — նա երկվում է նրանց ընդունողներին»: Նույնն էլ մեզ է հարմար ասել. ով պատվում է Քրիստոսի խաչը և նրա պատկերը, նա էլ պատ-

վում է Քրիստոսին, նմանապես ով թշնամանում է նրանց, թշնամանողն էլ մեղավոր է ճանաչվում Քրիստոսի կողմից:

Խոսքս, սակայն, առաջ ընկնելով այն պատճառով այսքան երկարեց, որպեսզի պապանձեցնեմ լեզվագետների այն ավելորդ արանությունները, որոնք ծամածոնելով և խաթարելով մեր մտքերը, մեզ կոապաշտ են համարում: Նրանց մասին պետք է ասել, «Ով անհավատ է, անօրինություն է գործում», «Բայց դուք ելեք նրանց միջից և զատվեցեք և մի մերձեցեք պիղծ բաների», որովհետև «Ամեն մի տունկ, որ Աստված չի տնկել, պիտի արմատախիլ արվի»: Ուստի հրավեր կարդալով ձեզ՝ բռնեք բարձրագույն և ամենագոր Աստծո բազկից, որն էլ ունակ է խարշելու, մեղելու և դուրս նետելու հեթանոսական այդ բույսը իբրև ազարակի փշեր և նրանց դադարման տեղը դարձնելու երկրի գազանների և երկրների թռչունների բնակավայր:

Արդ, նույն ամենագոր բազուկը մեզ կոչում է առաջ՝ ընդդեմ կանգնելու միմյանց դեմ մարտնչող ալլազգիների երկու կողմերի գնդերին, որոնք ամբարտապանությամբ մարտահրավեր են նետում մեզ՝ ինչպես մի ժամանակ Գեթացին՝ Դավթին: Այլև օձի իրենց լեզուները սրի պես սրելով՝ ապառնում են սպանել կեղծանի այն հավատը, որ մեր մեջ է և թռչունների պես դյուրահարձ ճախրելով և գազանների նման հոխորտալով ձգտում են այն գիշատել ու պատառոտել: Դրա համար էլ եկեք և մենք աստվածային մեր ապառազիությամբ զինագարդված՝ կյանքի հեղեղախոս այն զգայություններից, որ կրում ենք մեր մեջ, հավաքենք կարծրությունը և այն պահպանենք հոգեկանի մեր խորհրդարանում: Նրանցից կորույին ու զորավորն ընտրենք հաճուն խոսքի ճարտարության, դենք իմաստության մեր պարաստիկներին և ուղիղ նետմամբ ջախջախենք նրանց չար պաշտամունքի բարձր ու ամբարտապան գլուխը: Եվ իրենց իսկ ասածների չարաչար գեներքով սատակեցնենք նրանց, ավար ու գերի վերցնենք Աստծո գիտության վերաբերյալ նրանց գողոզամիտ խորհուրդները, որոնք հավասարապես թշնամի են թե Աստծուն և թե մեզ: Նրանք չեն հավատում մեր աստվածապաշտությանը, բայց զրպարտելով բամբասում են մեզ՝ իրենց ձայնակից և համախոհ համարելով: Բայց ամենադժնդակ վտանգը, որ գալիս է նրանցից, այն է, որ խոսքով մեզ վաճում են իրենցից, իսկ ձեռքով քաշում դեպի իրենց, ուսիս պես վերքերով խցում են սիրտը, իսկ ծածուկ ջանում մեզ միահյուսել իրենց:

Բայց նրանք հասան միայն մեր մասին ստելու, մեզ նախատիճքներ և օտարոտի լուտանքներ տալու հաղթանակին: Իսկ մենք այդ երկուսից էլ այնպես ենք հեռացած, ինչպես չի կարող հաղորդություն լինել լույսի և խավարի միջև, ինչպես չեն կարող գալերը հոծարակամ ընտանեկալ գառներին: Փոքր չէ, սակայն, և այն թշնամությունը, որ նրանք իրենք են տաժում իրար նկատմամբ, որովհետև յուրաքանչյուրի չարամիտությունը խիստ տարբեր ու տարանջատ է միմյանցից: Բանգի նրանցից մեկն ուզում է մի, իսկ մյուսը՝ երկու ճա-

նապարհով, որոնք հակառակ են իրար ու մոլար, հասնել աստվածային Բանի անհասանելի մարդեղությանը: Թող մինչև այստեղ այսքանը լինի:

Գրաքարից թարգմանությունը՝
ԱՐՇԱԼՈՒՅՍ ՂԱԶԻՆՅԱՆԻ

(Թարգմանությունը կատարվել է ըստ «Յովհաննու իմաստասիրի Աւճնեցոյ մատենագրութիւնք» հրատարակությունից, Վենետիկ, 1953 թ. հրատարակության, էջ 46—59):

